

五  
六



味餘書室全集定本卷五

古今體詩九十九首

丁酉

燕九日漫成

古觀城南記白雲喧闐士女共歡欣但看流水游龍景豈有餐霞跨鶴羣佳節芳辰過四日書齋清課展三墳莫餘十一階前茂好在韶光總惜分

顏苦孔卓

孔顏相鑄意默勉幾安欲契心傳妙方知

味餘書室全集定本

卷五 詩

聖化難高堅真有象倏忽本無端克復功彌切精微詣莫彈四非箴左右三月樂瓢箪渺若輿衡見渾然俯仰看為山成土簣學海辨川瀾卓爾天人理於茲得大觀

夜雨

向晚濃雲布甘霖入夜擬雷聲聞隱隱簷溜響淙淙颯沓敲修竹清泠灑紙窓蕭齋涼意透靜聽對蘭缸  
及時資惠澤長養助菑畬潤氣添衣袂繁聲



到玉除雷揚燈燄小雲黑樹陰踈烟景朝來  
好冥濛畫不如

四兄履端郡王百日有感

彈指流光卅九年經惟一紀憶隨肩茱萸苦  
語成今古棣萼深情忍棄捐魂去玉京乘晉  
鶴夢聞廣樂渺齊烟歸來撒手閻浮世柳翼  
臨風倍慘然

承歡問膳侍

西池兜率追攀慰

味餘書室全集定本

卷五詩

二

聖慈萬首詩篇師雅彥一生德業付佳兒金  
剛無相齊君壽玉樹長埋繫我思相別人天  
空夢寐眷鷓鳴到月殘時

司文秘殿毓寬仁禮下恭和德潤身去日烏  
跋知隙影御風羊角等浮塵詩堪壽世無餘  
憾想結生天未了因慘淡東門郊外路幾番  
回首故頻頻

九十春光一瞬過還疑示疾幻維摩宮庭每  
記時趨從書史常看共琢磨言笑平生空已

矣墮篋百疊意如何迢迢雲鵠難成望試寫  
中情繼楚歌

脩竹不受暑

琅玕十畝竹綠篠正森修未覺三庚暑先迎  
五月秋隴玲凝旭影蕭爽引風柔著雨烟含  
嶼凌雲翠倚樓露溥初潤碧薰轉漸鏘球靜  
挹千竿秀清餘一徑幽暗香聞苑籞疎影度  
簾鉤解溫宜長日亭亭暑自周

松風引

鬱鬱嶺頭萬株松交枝綠染潑黛濃鶴翥虬  
擎生雲霧聲傳巖壑搖天風初聞清泠鼓琴  
瑟徐聽戈甲相撻衝銀河倒瀉撼星斗勢傾  
華岳頽三峯洞庭八月飛濤卷瀟湘清浪翻  
千重箕伯呼號騰警策萬馬奔突翔虛空璇  
霄起滅杳莫測元氣磅礴嬉羣龍危岩撼撼  
傳清響但覺碧空無翳礪破排界來葱龍貞  
堅勁節耐歲晚亭亭矯矯開溟濛一洗人間  
箏瑟耳悠然餘韻娛心胸

荷珠

荷葉芳塘滿，侵晨露正團。  
瓊珠盈顆顆，翠蓋漾漣漣。  
聚散迎風動，晶瑩映旭攢。  
碧盤長不濕，圓轉未曾安。

西山欲雨吟

黑雲密湧山之阿，風號萬竅一剎那。  
勢挾百川翻，巨浪鯨鼈天半衝。  
白波西山氤氳散，霄漢釀作珠霧張。  
重羅神靈咫尺大澤霈，翻盆直欲蘇乾未。  
終風陣陣箕伯妒，萬木春樅散。

味餘書室全集定本

卷五詩

四

烟霧排空磅礴勢，莫當力拔山巖如。  
含怒瀾漫雲氣尚重重，及時萬斛傾波注。  
商羊起舞神女歌，快靚解作施嘉澍。  
月離畢屯既盈驪龍吐氣紛璣瓊，天心仁愛惠氓庶。  
蕩滌六沴浸潤萬寶豐，西成

山水有清音

山水含真趣，恒留太古音。  
寒泉飛碧嶽，爽籟發青岑。  
朝夕鏗幽響，宮商振遠林。  
岩阿流浙瀝，澗曲遞浮沈。  
調靜翻長笛，聲希和素琴。  
澄

懷能洗俗入耳自清心渺渺岡巒迴潺潺島嶼深隱淪如可接好和太沖吟

潭上晚坐

龍潭百丈漾淵渟岩底珠宮聚爽靈一派穿雲源混混千流絡石瀉泠泠古藤繚繞纏青磴浮藻清沈雜綠萍勝境幽深通感佑何時

普潤德惟馨

駕幸黑龍潭祈雨恭紀

憂旱

味餘書室集定本

卷五 詩

五

宸衷切

鑿輿詣畫眉

名山

飭儀嚴羽衛際曉謁靈祠步

禱逾將敬登高不覺疲

壇前石磴

百級上下聖容嚴格

不覺其勞

皇誠昭

感格孚若竚遲遲

是日佛殿拈香

後登壇祇禱

聖躬肅立逾時俟法事畢而後降階就輿還宮

闕殿瞻魏煥崇臺天半高為民勤

籲請惠下總忘勞沛澤蘇芄麥施恩仰九霄

黎氓真可念

齋肅俯神皋

羽流宣寶籙祇肅步虛音豈為靈符力都歸  
明德歆民情關

睿慮

聖敬格

天心佇望濃雲布回蘇普作霖

曉自黑龍潭回園途次口占

烟嵐凌曉重拂曙指歸途柳陌風來爽山田

味餘書室全集定本

卷五 詩

六

路轉紆雲容初靉黳麥色向乾枯佇望甘霖  
降沾濡草木蘇

北望山村小茅茨遠市囂一峯雲乍合廿里  
路非遙策騎沿村舍關情念黍苗祇希離畢  
候為雨不崇朝

喜雨

濃雲密布散風霾雨勢瀟瀟慶孔皆萬寶迴

蘇蒙

帝力千畦普潤慰

宸懷豐占南畝登嘉穀兆叶西成徧草芟典  
重大嘗昭默佑

皇誠感格肅心齋

二十五日

潭祈雨

越二日

以孟秋時

享祀齋宮  
次日得雨

### 夜雨

入夜雲容聚繁聲枕畔來樹間光掣電天外  
殷輕雷滴滴敲修竹瀟瀟潤綠槐氣蒸欣沛  
若比屋慶滋培

兆見屯盈候沾濡洽衆歡漏長添颯爽衾重

味餘書室全集定本

卷五詩

七

覺輕寒蛩韻空階斷螢光幽砌殘明晨新景  
物濕翠樹頭看

### 短歌行

兩儀闢天地太極開鴻濛清濁形既判三才  
人位中大幹南北撐萬古元氣幹運無始終  
陰陽朮渺無極墮螭在宥歸化工君不見  
蒼頡造字機潛伏天雨粟兮鬼夜哭又不見  
傅說一夢通高宗用作霖雨起版築神功不  
宰如虛無蜉羽螢光空碌碌

擬迢迢牽牛星

耿耿經天河，昭回牛與女。  
相望隔東西，七襄空織杼。  
滔滔清淺流，珠淚泣成雨。  
報章恐難成，佳會重然許。  
鵲橋亦有期，何由通一語。

乞巧吟

秋風清兮秋月明，耿耿層霄玉斗橫。  
雙星契闊動，隔歲婉孌支機無限情。  
迢迢碧落巨銀漢，此夕天孫得相見。  
盈盈遙隔一水間，脈脈相思雲錦幔。  
桂宮繡帳晚停梭，鵲橋初駕欲渡河。  
經年小別曼陀雨，轉覺今宵秋思多。  
秋思綿綿非想牽，天雞喚曙良宵殘。  
誰家子女高樓上，何處金針玉指穿。  
滿盤珍果乞天巧，那知不住光陰老。  
夫婿遠戍祁連山，西風颯沓樓蘭道。  
對景懷君月夜涼，珠露泠泠滴漏長。  
羽車返轡金烏曙，天上人間思未央。

微雲淡河漢

秋至天潢皎，雲開碧宇清。  
霏微凝靄靄，淺淡亘盈盈。  
月映寒波瀉，星迴素練橫。  
仙槎尋莫

辨河鼓象空明卯色浮銀浦機聲轉玉衡涼  
侵珠閣迴光浸露盤呈達曙輝猶潤中宵彩  
半泓為章涵縵會見泰階平

擬庭中有奇樹

喬木生得地扶疎蔭我庭百尺撼天籟古榦  
虯龍形坐對綠陰寂風雨飽所經視我桃李  
華飄若水上萍

乘舟渡潞河即景

潞水達東南萬頃勢潏沕放舟古渡頭邪許

味餘書室集定本

卷五 詩

九

搖畫槩我来正新秋激灑淨虛朗一碧影沈  
沈水天接高爽雲帆涉中流渺渺秋潮長溟  
碣八月濤百川平如掌荻岸草蕭蕭遠浦淨  
幽敞漁父棹波心堤畔時舉網瀾翻秋水篇  
坐愛塵外賞

謁

陵恭紀

珠丘王氣遠來東襟帶山河勢鬱葱峰嶺連  
延培地脈松楸颯沓起雄風

龍鬣何處攀兜率

鶴御遙知蔭闕宮咫尺

鼎湖心祇肅來孫翹首望蒼穹

淒涼秋露又逢時展拜何由慰

母慈繞膝當年成夢想

乘雲今日繫遐思流光三載圓靈印飲恨終

天隙影馳

鳳蓋蒼茫無處覓仰瞻霄漢不勝悲

擬白鳩拂舞詞

味餘書室全集定本

卷五 詩

十

吹夷則兮鏗林鍾揚萬舞兮翔飛龍臨風一

曲白鳩羽開元舊調翻新譜催耕最喜時和

煦舊巢結構占晴雨秉靈舍純在桑在榛九

扈喑喑呼陽春七子拂羽聲頻頻咄彼鷓鴣

兮相為奮搏厲背距兮甘鞴縛扶搖蕩蕩兮

天宇濶虹雲霄兮逐鳴鶴長松喬枝兮擇可

棲鳳皇來游兮龍門桐葉何萋萋

八月憶上蘭風景

丹葉翻風八月秋上蘭霜重鹿吻吻蒼鷹脫

縱盤林表驕馬跑空上嶺頭幾疊雲嵐來好  
夢萬重關塞隔吟眸山靈為我留清賞記取  
年年作壯遊

每歲周陞大合圍短衣生馬正輕肥千山豔

岌寒雲重萬樹飄蕭霜葉腓景物他時探勝

絕雲嵐此日暫因依詰戎西廠堪馳騁

子同諸弟

姪時於園內西廠演習騎射

小試雕弧逸興飛

暗飛螢自照

小閣迎涼坐丹螢入夜明流星還自照燭火

味餘書室全集定本

卷五 詩

十一

莫相爭不為秋風滅偏因腐草生高低如有  
度來往淡無營臨沼驚雙影翻書結古情簾  
疎分熠燿釵艷落瑤瓊乍見穿芳樹旋看傍  
綺楹清光隨左右幾點任縱橫

秋胡詩

德音跂來括燕好鳴和鸞彩艷擬春旭志節  
澄秋瀾畢羅雙駕匹藍菜五日歡宦學慰平  
生結裝出門闌期君鴻鵠志奚怨離會難執  
手莫相忘契闊良可歎

命駕度沈濟驅車指宛邱椒莢豈不艷魴鯉  
非所求白雲靄東山回首空夷猶結綬恭朝  
役明發感翰鳩滌滄北堂供黽勉中閨謀楊  
柳間雨雪冉冉春復秋

四牡念將母曰歸卜良訊嗟嗟宦遊人五載  
如轉瞬桑野啟歸途彼美顏玉潤素手折柔  
條微風拂雲鬢停驂一顧之神采驚朝舜弭  
節試致詞解裝聊結信

樛木嘆休息遵路懷知音之子洵綽約重好

味餘書室全集定本

卷五 詩

七

輕南金薄怒頰難犯自愧用意深駕言回故  
里定省還抽簪琴瑟調素曲一慰遊子心

落日含芳樹返轡趨門閭短垣蔽茅舍入室  
問起居婉彼結髮人驚若識面初迴憶採桑  
路邂逅今何如自慙失名義感愧前次且

憶昔結褵時歡樂情無已攜手共言笑義重  
同生死君心鮮有終妾意已盡此莫採貝母  
花一身託碧水芳魂照重泉銜石終不悔

擬左太沖招隱詩

溪壑棲哲人瀟灑遯塵世念彼汗漫遊非為  
田園計茅舍依山坳疎籬牝局閑飛泉挂丹  
巖清聲洗俗滯白雲迷高峰幻作芙蓉髻春  
秋不計年嘯傲無拘繫視彼朱紱途皎皎高  
明勢人情戀榮華晞驥終牽制誰從赤松遊  
天外心神契

節士樂高蹈達人貴知幾榮辱無所求出處  
各有時龍蛇生大澤松柏鬱樛枝美玉厥井  
里言念溫潤姿子房抱竒策嚴光終釣臺霖

味齋書卷集定本

卷五詩

三

雨濟岷庶大業何恢恢山野觀我生空負濟  
世才高臥林烟暝閭闔風雲開丈夫志四方  
攜手登魁台

天衣八月剝棗

南呂初調律東鄰棗漫敲碧華紛舊榦朱顛  
綴新梢攜榼芳林餉盈筐素手捐離離青葉  
裹藹藹綠陰交嘉贄摧羊角高枝振鵲巢細  
紋搖火齊脆實落風苞籠去金英燦餐餘玉  
核拋堆盤佳味好節物紀衡茅

擬今日良宴會

芳園張綺宴斗酒娛嘉賓高歌相雅鼓禮備  
何彬彬臭味斷金石樂彼同心人德音慰飢  
渴氣志清且淳鳳皇引前路驟耳追後塵高  
步款閭闔回首接羣真嘯歌帝所樂竭來何  
逡巡

擬西北有高樓

珠閣聳百尺雲霓繞重簷絃歌傳逸響泛指  
何纖纖悲音發玉軫烟霧生湘簾一彈飛鳥

味餘書室全集定本

卷五 詩

十四

舞再鼓遊魚潛豈無知音人華髮封鏡匣所  
思在何處幽桂山之尖比翼相遊翔何為空  
滯淹

中秋

青空仙桂影檀藥香果盈庭婦子歡午夜水  
晶穿海闕酉秋金景鍊霄端坡陀四射銀蟾  
窟皎潔中懸白玉盤十二瓊樓人不到鈞天  
高處可勝寒

景麗中天象緯收升恒萬古幾經秋桂香帶

露冰除淨蘭殿含風水鏡浮三五輪圓光皎  
皎大千心印夜悠悠何人有興尋佳句此夕  
方登庾亮樓

令節風光歲不同雲莊千里夢猶通舊遊蘭  
塞紛如昨詰旦葦房興未窮蟾兔彩浮秋夜  
半關山望迥月明中年年此日登臨處欲把  
閒情寄遠鴻

賦得青精翼紫軼

行時張紫葢太乙耀明廷出震昭元象乘乾

味餘書室全集定本

卷五詩

五

降萬靈蒼龍環斗運彩鳳舞雲庭鱗甲輝金  
扇烟霞護玉輶八神同赫弈六御燦晶熒蠖  
略紛無迹招搖繕有形春旗遙捧日杓角欲  
捫星嘉瑞鸞齊軼三階木德青

日出行

羲和駐扶桑瞳瞳出碧海大丹耀九州宇宙  
輝華彩跋烏輪轉環太空乾坤萬古開鴻濛  
其德麗天常不息元會升降無初終輕清浩  
浩羣陽精萬靈亭毒資生成行五億萬七千

里昆侖元氣誰能名鬱華九龍遊天表雲海  
蒼茫氣晶晶玉雞一踞翔陽高幾點齊州芥  
子小幹旋造化本自然月窟天根周胸眺登  
秦山下梁父東望咸池氣吞吐鞠陵之山在  
何所流珠華蓋浴太清天上心中萬萬古

江漢朝宗于海

禹績傳千禩靈源導九江濫觴初混混學海  
共宗宗井絡來方遠滄浪勢未降長波分蜀  
隴大別會荆邦雪水桃花漲風帆翡翠幢蛟  
龍趨貝闕駕鷺下雲窓望若期鐘叩歸墟靜  
玉樞朝宗原有信  
天澤自鴻厖

采蓮曲

綠楊津畔誰家子笑折蓮枝露纖指新歌一  
闋水調頭芳容掩映芙蓉蕊玉鞭金勒五陵  
兒踟躕不去心相知君不見灞岸瀟瀟柳影  
垂鎮日無人屬阿誰

關山月

天山明月輝銀浦萬里龍堆玉鈎吐弓月城  
頭茄角清玉門關外風沙古千家砧杵夜悠  
悠少婦征人兩地愁舉頭桂樹團圓影獨對  
金波春復秋

秋穫

白露降寒林商飈拂綺閣郊坰漫遨遊策騎  
沿邨落南畝堆黃雲多稼看漠漠高下畦隴  
間萬寶紛交錯老農荷擔來遠近羣控穫遙  
聞銓艾聲筐筥攜穉弱遺東寡婦利相呼競  
笑樂西成賴上蒼雨暘幸時若豐年謹所儲  
儉歲免溝壑倉廩既堅好邶苦租吏索四民  
首農功為政勗先著

百鍊鏡

百鍊鏡蟲篆蛟龍蟠土花剝蝕翔鸞鷲盛以  
寶匣凝陰殿呼噏雲雨光團團朱斑綠暈相  
輝映皎如皓月纖霞淨噫嘻寶鏡千秋圓傳  
自開元天寶年瓊脂宮粉美人舞曉日臨妝  
青鳥憐飛龍屈蠖結碧紐黝然古澤光清堅

聖王鑒人不鑒貌不寶異物思親賢明堂濟  
濟登俊彥心鏡百鍊無柔牽高懸金鑑辨邪  
正光華旦旦勤磨研

少年行

燕趙美少年交遊好仗義彎弧佩劍出都門  
志氣凌霄萬夫避與君傾益心相投秋夕春  
朝把袂遊願同張雷莫相負攜手一醉籌邊  
樓

銅雀硯歌

珠餘書室全集定本

卷五 詩

六

雀臺舊瓦委荒草採之成硯質堅好不須追  
琢更磨礪觚稜隱隱憑神工端溪紫石各擅  
奇鸚眼金線帶紅絲何如天然古潤澤春烟  
秋露沆瀣滋流傳千載不磷泐金壺濡汁揮  
珠璣當塗宮闕化塵土此日臨風一弔古君  
不見曹家父子建安賓朱顏奏曲動梁塵銅  
仙回首土花碧鴛鴦片羽猶鮮新

鴻漸于逵

素有隨陽願來賓正及時銜蘆辭木末遵渚

度川湄客夢三湘遠邊聲萬里思乍看排鳥  
篆旋見點天陰不覺層霄迥還憑健翮披搏  
扶翔去路送影約歸期矯矯穿烟霧翩翩振  
羽儀風山占卦象冲舉上雲達

蟻穿九曲珠

九曲珠難貫誰知螳力堪透遲津莫問宛轉  
氣先含塗線脂能引趨羶徑自貪玲瓏還洞  
照窈窕試窮探繞堦功原密穿堤勢已諳藏  
身真屈蠖得緒訝縲蠶納芥摩尼慧求元象

味餘書室全集定本

卷五詩

十九

罔愁璇璣行右磨至理聖心參

促織用樂天韻

秋深近戶託微躬猶自催機弄緒風四壁吟  
時霜淨夜千家砧起月明中漫驚懶婦悲長  
漏若為王孫達寸衷辛苦授衣良士戒不因  
清夢繡帷空

擬客從遠方來

相別不計年契濶情無已雁足繫帛書贈我  
雙珠履天吳繡鳳鸞琪葩雜瑤蕊願君貞素

行網繆永無毀結交莫相忘信義從終始

讀樂天詩

盛唐心法用陰何白傅才高逸興多千古風  
流傳正始一時格律擅元和秦中樂府舒忠  
告漢代傾城發浩歌讀罷如聞清鶴唳天空  
兜率漫規摩

詠菊七首

以菊花須插滿頭歸為韻

英英冠羣芳秋老商風肅玉律分榮枯金精  
自芬馥歲寒豈不凋晚節寧辭獨陶令醉樽

味餘書室全集定本

卷五詩

二

前愛此東籬菊

逸品標秋晚叢生氣味嘉還將君子操小隱  
野人家獨秀凌霜露孤芳傲歲華後時猶有  
分不是艷陽花

對此高商候初看翠葉敷幽香三徑滿佳色  
一塵無底事春風拂先沾秋露濡東籬漫搖  
落尚有白衣須

結根淡敷榮自得清風洽白露潤冷冷涼雨  
飄雲霎凌寒蕊乍開擢穎枝相壓採之未餐

英且映雲鬟插

碧葉挺葳蕤掩映竹籬短清松不改顏秋陽  
自含暖斐斐耀庭除離離散園館未數傲霜  
枝常使幽芳滿

勿棄凌寒友無言意自悠誰憐三徑晚可訝  
五湖秋菴藹金英綻猗那玉蕊浮詩人欣壓  
帽香徧玉搔頭

晚榮偏可喜霜重欲何依高艷標寒景繁枝  
映夕暉已看來感發未肯減芳菲好語柴桑

味餘書室全集定本

卷五詩

五

客羅巾漉酒歸

詠鬻拳

君臣大義凜無將譎諫加兵豈典常敗績閉  
關憂未靖批鱗則足罪空償誰憐半夜啼繩  
息漫以殘軀殉經皇納善納刑非篤論如何  
巴怒更遷黃

恩賜

御書宴坐齋中偶爾成詠一律敬和

元韻恭紀

節序居門久浹旬閏五月御筆為庚寅月中澣作

幾餘律度式聲身

鸞箋恰與薰風拂

寶翰應濡化雨頻先後三庚乘億萬圖書四

庫貫天人惜分即是金剛法禮足難參密諦

真却住御製詩云金剛不住念深契勤民一念真實千聖心法也

敬錄帝學書成恭疊

御題元韻

右文典學

味餘書室全集定本 卷五 詩

聖心殫淳甫成書嘉定刊懸鑑千秋欣坐照

臨池三載得重看甲午冬奉命重錄一部

塗鴉自愧編摩拙刻鵠方期視履端四庫蒐

羅超百代崇儒此日暢游觀

髮几濡毫學莫殫文昌奎壁許同刊一斑綠

甲圖書備萬架琅函次第看冊府藏珍包道

與

宸章振鐸啟篇端知行三復探

微旨觀我觀民得大觀

水懷珠而川媚

至寶鍾川澤流輝萬派殊蚌胎懷赤水驪彩  
燭瑤樞浪疊琮琤叶光涵激艷俱方諸同嫵  
媚圓折自縈紆織女憐銀漢蛟妃灑具區雨  
天含遠睇風露潤凝膚淵止宜娟靜鯨噴乍  
有無何時看貫月照乘握璿珠

冬至前齋宿書房有感故四兄履郡王

一瞥烏駿線景過書堂昔日共觀摩御風輪  
轉成先覺閱歲星流緬大羅始悟雲烟空雁

味餘書室全集定本

卷五 詩

三

影難尋冰雪印鴻莎心齋欲契真清淨不奈  
新新感剎那

詩成珠玉重商量往事而今付渺茫白業尚  
能通夢寐青空何處覓雲鄉卅年暫聚三生  
定萬卷長留一瓣香太息罡風搖玉樹仰瞻  
兜率正蒼蒼

十一月二十五日隨

駕詣

慈寧宮行禮

十八年來拜舞同

慈寧此日感呼嵩  
孫曾尚憶斑衣樂  
儀衛猶

餘

闕殿空雲護

金根依

帝所風高

玉宇慟

皇衷

一人呼籲徵純孝  
翹首蒼茫望昊穹

味餘書室全集定本

卷五詩

三四

慈範思齊萬太任

母儀萬禩兆人欽  
奉觴北斗來

天顧展禮

西池感

聖心縹渺

丹駟三殿迴依稀

象服五雲深當年

色笑如相接日月光  
中想

鑒臨

主未鞋舞同

賦得水泉動

微陽看應律氣轉動淵泉活潑機難見澄泓  
性獨全舍初同太極生一本先天蒙發聲猶  
靜科盈凍未穿網緼通脈脈感涕想涓涓待  
暖波心瑩迎寒澤腹堅地中流送彼山下伏  
泠然停蓄源頭濬春來漾碧連

喜雪

十一月二十六日

欽若

蒼穹惠

味餘書室全集定本

卷五 詩

五

勤民邁帝堯衢歌三白叶燭紀四時調珠霧  
籠初旭彤雲釀昨宵萬山容漠漠百尺勢迢  
迢冷艷凝梅蕊寒光薄柳條驪龍開貝闕鮫  
客舞冰綃銀線連千里璣繩撒九霄晶瑩疑  
種玉璀璨訝鋪瑤著樹看花結因風作絮飄  
紛紛同幕懸片片散蕭竊成句誇梁苑尋芳  
憶灞橋帆迷明月渡山隱白雲椒宿麥占年  
稔遺蝗入地消

齋心仍奏假普渥至誠昭

雪梅

空濛山色淡無垠，綽約冰姿迥不羣。  
鶴氅翩翩乘逸興，霓裳冉冉散奇芬。  
凌寒形影難相辨，映水娉婷了莫分。  
忽露瓊釵驚洛佩，乍揚縞袂舞湘裙。  
娟娟帶霧籠眉靨，故故含烟淨觀聞。  
優鉢無心迷夜月，天葩有意託朝雲。  
上林日暖神初艷，仙苑春深氣更薰。  
記取雙清誰貌得，幾番風信付東君。

復雪

十一月二十八日

味餘書室集定本

卷五詩

五六

瑞錫連綿澤普嘉，紛紛又喜散金沙。  
長空初作婆娑舞，大地重開頃刻花。  
勢壓寒塘難見鷺，光搖魏闕易分鴉。  
瓊樓十二窳天一爛漫，優曇絕世華。

水火既濟

天地關訖合陰陽，定坎離鬱攸須有本潤澤。  
自因時生一淵源，始虛中照耀宜網緼通上。  
下黑白守雄雌，湛湛光明大融融。激灑知交  
孚神勿曠保泰性，堅持虛吸無纖垢調和却。

寸私互根觀既濟太極悟深思

竹外一枝斜更好

冉冉飛仙庾嶺來珊瑚鳳尾一枝梅因風披  
拂香搖髻帶月橫斜淡暈腮低拂蒼苔看漠  
漠半拖綠篠映皚皚此君誰遣為佳友好共  
幽芳旦晚陪

縞袂翩翩絕點塵半清淺處識君真暗香蒼  
藹疑無跡橫影娉婷淡有神石上根因江國  
夢林中消息隴頭人恍疑姑射憑湘女無限

味餘書室全集定本

卷五詩

二十七

閒心付早春

擬鮑明遠數詩

一陽見天心元氣轉穹昊二儀鼓素籥生意  
伏枯槁三微積以著浮沈觀大造四時相遞  
嬗風景春妍好五雲擁朝暉煥彩光皓皓六  
合飛瓊瑤庭除積不掃七襄起牽牛銀河貫  
蓬島八翼摩雲霄苞鳳輝華藻九韶聞鈞天  
上瑞徵壽考十洲渺雲烟得一歸有道

冰嬉行

項冥司律堅冰凝玻璃百頃玉鏡澄窮陰  
結凍海若載陳國俗歲事仍液池集衆屯  
八旅趲趲壯氣烟雲蒸鞞齒雙利銜鏃刀  
布衣短後非絲繒

龍旌近駐懸圍界曠曠海日方東昇戎旅  
齊隊分左右搏搏鞞鞞橫長絙陰陽開闔  
各殊事厲鋒養銳期先登朱旗一颭截倭  
虜地雷再振魚麗乘捷步焱驚看聳擢趨  
趨逐凌鯤鵬恍如曳雷掣碧宇玉京蹂躪  
千軍騰精神

味餘書室全集定本

卷五詩

五

竒變化競儵睽天馬奔突聲較較蛟龍潛窟  
伏震懼怒濤倒瀉波瀲灩砭砭激越撼地臬  
玉山萬仞摧峻增拔羣得幟推首進楚跟錯  
履相牽扔

恩頒均賚旌壯佼大觀衆趨神為憑昆明樓  
船陋炎漢都肄武備難同稱

聖人詰戎紹

家法訓練豈獨誇竒能煌煌

天語傳萬禩擣毫視履銘冰兢

恩賜做唐觀象硯恭紀

拜捧星涵自

禁垣寶同拱壁紀

殊恩質含潤澤研彌瑩體備方圓象可捫太  
極寫形包理數帝鴻創製探根源吾

皇乾健時無息義闡河圖至道存

做古磨礮匠式精庖義妙理寓裁成廉隅刻  
角諸方列竒偶循環八卦生作聖因心徵

聖德先天觀象本

味餘書室全集定本

卷五 詩

十九

天行敬瞻

睿藻勤珍護几席光依

寵渥榮

驅儼行

歲功既畢物阜昌天心斡轉來初陽式稽舊  
典屏不祥祓除崇憲祈豐穰珠宮紺宇環苑  
牆摩騰法派衣尚黃載陳鼓樂儀制詳諸天  
法雨花飄颺金碧燦爛七寶牀幡幢隱隱年  
尼裝爐烟篆裊阿閼香震旦設教舍利光稽

首皈依大法王無畏佛力捐猖狂考鐘伐鼓  
聲礮礮干雲旌旆翠葆張羽林執戈服朱裳  
八神赫弈吐光鋌魍魎魁形傍徨四遠急  
遯後作糧東極日出西氏羌流星飛礮投遐  
荒梵唄宛轉雄聲揚威音直欲摧橈槍窮竒  
騰根飽汝腸駟騎傳炬相輝煌大儼儀備百  
禮彰萬年景福蕃無疆

聖神天子開明堂羣邪伏竄登賢良太和流  
洽非祈禳

味餘書室全集定本

卷五 詩

三

鴻禧普集有餘慶

詠鄭七子賦詩

周季競兵戎晉楚爭中土諸侯役強弱割裂  
侵疆宇弭兵固善謀連雞難為聚衷甲氛已  
惡文辭多折俎勞衆迄無成尸盟氣空沮垂  
隴啟歸途享客鄭寵武七子共從君紵衣曳  
華組賦詩佐賓歡斷章義堪取草蟲美賢人  
下志誠民主鶉鵲何所刺床第言齟齬黍苗  
樂良臣讓善慙無補隰桑思君子納誨期光

輔蔓草喜追隨施惠結儔侶蟋蟀做無荒良  
士思其所桑扈獻兕觥萬年受天祐伯有誣  
其君侈泰招怨府窟室日沈酒穢身同鼯鼠  
展也終令名降心見辭語在位不驕淫弼君  
作霖雨印氏保官箴吟咏氣和煦後亡享第  
祿好樂守繩矩至理妙心契柔剛非茹吐風  
雅鄭雖尚綺靡未足數一言思無邪宣聖垂  
訓詁

殘臘和朱子韻

味餘書室全集定本

卷五詩

三

嘉平方應候朝景變晴昏暖氣通泉脈初萌  
透宿根菜嘗新甲紫冰解半溪渾好待龍杓  
轉春光藹禁門

迎陽種竹

玉律方回黍谷春好移貞榦結芳鄰亭亭玉  
筍行無迹冉冉烟梢淡可人底事嚴寒尋地  
脈偏宜晚節見天真空庭徧種迎生意披拂  
窓前綠篠新

自鋤暖土厚栽培佇待春生斗柄回一日暫

無添鄙吝數竿雖少絕塵埃芳根入地苞初  
固粉籜搖風候暗催幾簇烟叢凌臘底歲朝  
好伴玉堂梅

偶過名園識此君移來小苑散清芬神飛渭  
北連秦隴夢繞湘南割楚雲金瑣烟深么鳳  
影石欄人靜籜龍文條風淡蕩舒陽氣會見  
干霄戛玉聞

風舞琅玕靜有聲娟娟疎影最關情月明銀  
浦湘江遠春信黃宮懈谷清樂府漫調青玉

味餘書室全集定本

卷五 詩

三

笛仙人試譜紫鸞笙蒼篴出奮勤培植好待  
扶蘇萬个生

擬鮑明遠擬古三首

遊俠少年場策騎相角逐男兒當封侯萬里  
窮荒服終成衛霍功掉舌羞酈陸天高擊劍  
歌月黑擁裘宿萬馬動陰山驚沙蔽遙目五  
餌謀詎良九折車戒覆欖槍斂金戈玉沙歎  
黃竹

丈夫志四方虛懷抱貞素特達薦珪璋國士

重三顧蒐羅無遺才進善闢賢路自愧山木  
姿風雨起感慕素位無營求受寵增恐懼際  
會信有時敢怨儒冠誤天驥方騰驤守株空  
待兔

文章少所喜研鍊咸貫通釋褐漫遨遊高步  
翔王宮塵氛淨四遠拜手揚雄風紛難既排  
解安用百鍊鋒浮雲視丹組高尚不受功嚴  
陵夜干象伏波老從戎君子甘淡泊善抱思  
藏弓野鶴摩穹霄造化同始終

味餘書室全集定本

卷五 詩

三十三

味餘書室全集定本卷五

黃鉞恭校

味餘書室全集定本卷六

古今體詩八十五首

戊戌上

次十一兄過荆軻山韻

漸離城南濡水渡風怒難尋擊筑處衝冠壯  
士去不還山頭誰表荆卿墓孤峰突兀倚寒  
雲白鳥角馬空號訴燕秦遺事兩蒼茫晴虹  
一片迷春霧

春雪四十韻

首歲昭三白春韶散瑞霏載塗徵大有平地

味餘書室全集定本

卷六 詩

一

叶咸亨積素層霄迴凝葩五出生仙膏滋禁  
苑嘉澤渥神京陣陣飄銀屑紛紛糝壁瑛乍  
驚開寶英旋復綴金莖荏苒綿絲颺襍織  
罽呈著梅初掩映拂柳更迴紫撲帽疑簪藥  
巡簷比索英一池冰鑑朗四海玉田清淡沱  
依龍闥交加度鳳城客如隴首望人憶灞橋  
行亭館娥妝就園林艷目成霏微通閬苑浩  
蕩接蓬瀛細轉瑤華裊低翻貝葉輕踈簾迷  
燕影極浦沒鷗盟霧重空還皎烟濃夜倍瑩

剡溪探勝景梁苑擅才名帶雨濡阡陌隨風  
入檻楹續緒來有勢羃歷靜無聲遠岸飛淙  
瀉危峰匹練橫炊烟渾不辨漁火獨含明映  
日籠萍實韜霞結水精霜宵吹塞角月宇軋  
涼箏汗漫鷺毛灑翩躚鶴毳盈鉚鏘鏤楚璞  
珞珞碎洄瓊草木淺深白陵騰高下平雨花  
千斛撒雲籜萬篩傾累靄停芳輿因方止石  
泓洙新樓翠閣珠唾噴壘堯光映重樓月神  
搖巨壑鯨皚皚連萬頃吸吸眩雙睛纓絡天  
動句萌

帝惠歡鳧藻人時正犢耕灑郊沾活土宜麥  
樂編氓省歲寬

清問占豐快衆情佇看羣力作繡野報鷓鷯

驥不稱力

良驥呈天苑騰驤達九達應房生蜿若拱壁  
比溫其匹練標龍骨飲沙擅豹姿戀君甘服

卓向日喻傾葵寶月原同體黃金不動羈五花看汗渙一顧重心知歷險真堪託嘶風任所之

德車宜駕馭絕力詎稱奇

飛放泊放歌

上林百里周繚垣蒙茸春草鋪平原紅門四闢通苑路七十二橋濬靈源飛放之泊傳何代五百年來歷有元畿南十里開苑圍西山崩劣相屏藩勝朝修葺作離館太阿揮霍紛

味餘書室集定本

卷六 詩

三

諸闌柳衙朝開作威福九重高拱置不聞天兵東下定海寓驚禽駭散從飛奔式闢華林講武事掃除穢跡清塵昏八旗勁旅時訓練霜戈組練如雲屯

聖人相繼紹

家法習戎鉅典傳和門因時蒐獮飭車甲長圍迴合旌旗翻周陸廣甸互聯絡百六十人皆虎賁地沃野豐毛羽集日增生產羣孳蕃驂駟馳驟置羅逼摩空鷹隼層霄騫紅橋曲

水夾楊柳淡霞斜日迷烟村鳳麟應瑞棲郊  
數神皋游息昕夕温泉甘伊尼斑采潤草肥  
兔兔眠莎痕春風翕習陽和暖招提相望連  
行館緹衣靺鞨來從容牛車晚駕行遲緩非  
圖遊逸逞騰驤

策勵勤勞示勿忘

聖朝弧矢威天下文德遐敷武治彰

春草碧色

春到郊原上芊綿草色齊長堤鋪翠羽曲院

味餘書室集定本

卷六詩

四

長柔萋烟際青叢遠風前綠毯低蒙茸連別  
浦接續掩橋西薄愛移蘭漿輕纜趁馬蹄極  
天看冉冉匝地更萋萋淡抹單椒嫩勻遮疊  
嶂迷池塘生趣動一碧護芳泥

春星帶草堂

茅屋臨郊藪當春映衆星如鈎奎曲朗似帶  
玉繩經指點迴瑤闕微茫羃草亭貫珠涵瓊  
碎鏡水蓄淵渟泮渙搖書幌森羅透畫櫺垂  
天連點點在戶燦熒熒木德徵休應東皇叶

泰寧逢樞昭化育四野被神靈

與人一心成大功

駿馬騰驤載驟駸雲千里識忠忱縱橫沙  
漠三軍辟蹠踏天山一戰擒汗血有人標勝  
績嘶風此日發長吟相隨壯士成功後伏櫪  
猶存勇戰心

春景三十首

春城

帝里陽和布春城淑氣同雲開瑤闕北烟暖

味餘書室全集定本

卷六 詩

五

畫橋東紫陌葱蘢柳青郊澹宕風元功資發  
育韶景倍沖融

春郊

近郭春迴早平原綠幾重芳林遮古寺幽澗  
響寒淙出谷新鶯囀連天細草茸東郊生意  
足于耜塵三農

春月

月色春方皎揚輝鏡萬邦捲簾光正滿篩柳  
影成雙夜靜浮堦院風和弄竹窓海棠清夢

醒虛白道心降

春風

條風初解凍  
灞岸柳先知  
淡宕鑪香暖  
悠揚玉漏遲  
霏紅依曲檻  
紛綠縵清池  
披拂陽和布  
人游太古時

春雨

甘雨當春降  
如膏應候霏  
蒙茸鶯欲語  
浙瀝燕低飛  
淡掩白黎醉  
濃傾紅杏肥  
一犁抽宿麥  
籠霧帶餘暉

味餘書室全集定本

卷六詩

六

春漁

生意江鄉足  
烟波一問漁  
日斜芳草渡  
冰泮綠楊渠  
舉網晴川捷  
鳴榔夜壑虛  
春風臨汎好不為食無魚

春圃

老圃足生意  
當春綠一區  
烟畦分界畫  
露甲飽涵濡  
瀉筧泉流活  
盈筐菜把腴  
灌餘勤覩土雨歇  
翠勻鋪

春隄

何處尋春好輕烟覆大隄裙腰青始展衣帶  
綠初齊風暖移漁艇冰開罨畫溪霞明花幾  
曲湖上曉鶯啼

春苔

春色縈何處侵尋半繞階繡茵餘屐齒小朶  
襯松釵著意黏輕絮陳根茁嫩芽綠窓新雨  
後翠暈淨摩揩

春寺

古刹何年建春遊結伴來鐘聲翔怖鶴旛影

味餘書室全集定本

卷六詩

七

轉香臺午倦譚經客青回歷劫槐韶光何處  
覓初地絕浮埃

春閨

韶景方明媚姝顏思轉新每懷攀柳客曾是  
惜花人不語翻多態含情暫感頓閒愁凭畫  
檻弱質那勝春

春衣

幾日春寒淺衣襦亦足欣酒痕新點染香意  
舊氤氳倚柳青袍借露花雪瓣分杜陵杯酌

興典換客情殷

春誦

絃誦宜韶令詩歌濯性源和光延月牖生意  
動雲根逼耳鶯鳴滑盈窓書帶翻舞雩歸詠  
好袂裊古風存

春柳

竟寫章臺賦偏多春雨寒稊生情已綰絮落  
緒無端帶霧柔絲裊凝烟翠黛攢曲終誰領  
會月底笛聲殘

味餘書室全集定本

卷六 詩

八

春山

結客尋幽趣攢青幾疊山勢橫磅礴外翠入  
有無間霧罨浮螺髻雲封削玉彎倚闌憑指  
點攬勝喜登攀

春烟

繡野空濛際春光殢晚烟徐升郊外墅淡抹  
雨餘天襯得遙堤綠增來返照鮮垂楊迷宿  
靄青眼倍娟妍

春晴

小雨初晴候雲收淨碧霄樹頭鶯舌滑柳外  
酒旗飄草木餘馨透湖山宿霧消上林生意  
足新暖被蘭苕

春社

祈社因農事笙歌滿近郊降神搗布鼓舞觀  
侑山肴乳燕鳴林際新鶯轉柳梢千村同宴  
樂執豕酌陶匏

春樓

野望欣春日登樓興倍豪賣花聲自遠啼鳥

味餘書室全集定本

卷六詩

九

夢偏勞檻倚窮窳潤襟開散鬱陶江山多秀  
麗青紫絢神皋

春草

彌望青蕪遠芊綿野興多珠穿凝露顆翠茁  
寫巖阿一碧遙村接千畦宿雨過春郊隨步  
屐緩緩和清歌

春水

一碧桃花水溶溶望更賒柳塘明晚旭花塢  
動朝霞浪暖拖漁艇波肥帶鷺沙渺瀰浮遠

浦鼓棹發咿啞

春燕

來睇看春燕雙飛鬥艷陽  
翩翩巢繡幕乙乙上華堂  
掠水低隨絮銜泥近拂梁  
殷勤頻數子時術共回翔

春鶯

艷陽天氣好幽谷出新鶯  
調舌繇蠻囀遷喬 曉院鳴樓頭殘月白陌上午風清  
最是關情處 嚶嚶求友聲

味齋書室金集定本

卷六詩

十

春臺

淑景欣周覽層臺幾度經  
開雲初旭紫迴照 曉霞青塞巨看綿  
邈江橫接渺冥中華窮遠 目萬里盡神垆

春田

羣力趨東作三農歲事仍  
條風蘇活土甘雨 報豐徵發隴噴珠散浮烟  
縷碧凝嘉禾看澤 澤彌望繡千塍

春蒐

講武當春仲田功好擇蒐雅宜習射御不獨  
事虔劉驕馬凌風速敦弓繞指柔詰戎欽  
聖訓一發縱前騶

春旗

問景來東郭青帘小市尋無風依短柳動影  
隔踈林過客桃溪暗遊人杏館深悠然親逆  
旅霜雪漫相侵

春露

湛露滋皋壤三春渥醴甘輕盈宜麥秀錯落

味餘書室全集定本

卷六 詩

土

似珠舍丹甕虛能受金莖迴可探上林看醞  
釀花柳色方酣

春池

一夜如膏雨芳池細澁添浮萍閒鷺唼墮絮  
小魚噉嫩艷波光潔芊綿草色纖條風披拂  
處片片落紅黏

春帆

渙渙春波漲雲中指片帆拖藍葺遠岸曳練  
出迴巖細雨低長袖微風舞薄衫恰宜天上

坐海月影方衡

賦得春服既成

得鮮字  
欽命會試題

童身宜具服稱體勝華鮮  
逢掖裁初就披香  
景更妍時和情煦若春暮  
樂陶然振袂柔飈  
襲開襟淑氣還詩歌安且吉  
杜賦軟勝綿出  
笥奚煩浣離塵詎待湔  
著來逾黼繡衣去獨  
褊褊仰觀

垂裳治

恩榮賜每先

味餘書室全集定本

卷六詩

士

桃始華

二月韶光滿天桃始發華  
一痕徐吐萼幾樹  
已含葩月映參差出風開次第斜  
嬌姿舒野  
徑紅蕊綻山家洞口烘初旭  
籬邊逗淺霞  
蓂  
蓂纔見葉灼灼艷初花  
隄柳凝青眼溪蘋茁  
嫩芽上林春色好光照

五雲車

燕外晴絲卷

百尺遊絲天外卷  
翩翻舞燕幾迴縈  
閒庭書

靜依依展曲院人稀冉冉輕烟絮無痕春欲  
暮風花有態雨初晴海棠夢覺還飛去鎮日  
悠揚獨抱情

瑾瑜匿瑕

瑾瑜方在握藏垢喻堪欽溫潤華初煥精堅  
類莫侵琢磨存素質抱璞本虛心鴻寶成非  
偶良工鑿自斟白虹光掩映孚尹氣深沈五  
等方呈瑞微瑕未可尋夜光同皓魄鼉采夏  
元音特達

味餘書室全集定本

卷六 詩

三

彤庭上連城果足琛

學古有獲

稽古全徵學興賢懷萬邦嘉言千世奉垂訓  
衆心降探討須窮本精嚴絕亂咙尋源真得  
一領要詰無雙妙蘊靈機運崇修筆力扛棟  
金先汰礫匯海且沿江慕聖功純粹希天道  
駿厖前修羅載籍研究對芸窓

髻髻山碧霞元君廟瞻禮得長律四首

靈峰秀出護雲烟分峙雙螺望儼然岫列駢

枝排玉筍巖高並蒂湧青蓮丹崖削劣疑無  
路紫府清虛別有天翠聳豐碑瞻  
寶翰輝煌林壑倍增妍

誰向層空插碧翹五雲樓閣

御香飄崔巍絳闕環羣宿縹渺仙宮接九霄  
日映珠軒輝羽扇風清廣樂散簫韶蒼生顚  
望

慈恩被膏雨露濡玉燭調

福地天開感格通萬年靈應著畿封香花供

味餘書室全集定本

卷六 詩

四

養來千里玉帛莊嚴出

九重彩現繡幡宮錦麗篆凝寶鼎

御烟濃

子臣

虔頌

無疆壽擬效三呼福履崇

望中金碧蕩雲霞曙拂璇霄北斗斜慶衍大

生皆

帝德澤流廣育自

天家巖間殿閣珠幢繞嶺畔林巒寶樹遮青

靄霏薜襟袖滿迴鞭繡野向京華

賦得玉壺冰

刊玉成螭首，藏冰擬積瑤。清堅應作合，瑩潔  
適相招。寶器虛能受，寒光結未消。風漪生落  
蕾，雨氣潤靈苗。朗若珠輝垂，瑩如燭照宵。水  
晶屏乍啟，雲母扇初搖。表裏原無二，空明許  
共標。凌陰如可薦，蓬路映

瓊霄

恭和

御製賦得玉壺冰元韻

得消字

味餘畫室全集定本

卷六 詩

五

玉寶琢成器，冰花開不雕。嵌空疑皓魄，結實  
綴銀條。湛湛光交澈，瑩瑩凍未消。雙清臨皎  
夜，一色幻霞暈。恰擬盤珠動，還同鼎汞調。圓  
融非相著，潔白本心招。外潤原無滓，中涵亦  
孔昭。壺天膏露滿，霈若

睿情標

洗心藏密

靈府須無垢，涵藏契妙尋。湛明如止水，定靜  
比調琴。濯處雲光淨，潛時月窟深。澄源千慮

滌葆素太初臨但使神膏潤奚容客感侵閑  
情資啟沃養性戒浮沈已克存三省思誠凜  
四箴大公包萬有

聖德本虛心

賦得黃金臺

臺以黃金貴興賢重上賓雙南懸善價三聘  
選良臣市骨來騏驎尊隗致毅辛崔巍開棟  
宇翠律拔枳振易水秋風起燕山夕照湮荒  
邱雖半圯勝蹟尚常新寶鼎還京室甘棠蔭

味餘書室全集定本

卷六 詩

十六

析津

熙朝登碩彥稽古鑒尤真

潤徵柱礎

未雨徵先兆前知柱礎陰水華蒸砌祀土脈  
動幽深乍喜盤花潤非關積蘚侵雲根光滑  
澤石髓氣浮沈泉湧疑淘玉炎升欲鑠金協  
和機已豫醞釀象初臨應候龍蟠谷施膏鳩  
喚林即看甘澍沛九有慶為霖

擬謝靈運石壁精舍還湖中作

高懷寄林壑清景娛天遊天遊興明發永日  
樂未休密林挂夕照微風送行舟丹霞幻木  
末白雲罨峯頭萍藻隨蕩漾魚鳥自沈浮機  
忘物各順人靜地自幽索居志無荒太上心  
悠悠欲求谷神妙虛牝無春秋

古意

離離山下草鬱鬱嶺上松雨露苟及時各得  
造物工與君結金蘭盟以要始終貧賤既相  
顧富貴當與同君才既遠鑠平步青雲中冠

味餘書室全集定本

卷六 詩

七

蓋日相望走馬黃金駿一朝改顏色舊友如  
飄蓬相逢若不識但願長絕蹤人情有如此  
胡不明翟公

銅鑑正衣冠心鑑通龜焦金鑑照邦家人鑑  
分善惡守道無越思庶幾傲履錯為善食不  
遑克念聖乃作烏跋隙影馳一息難掣縛蓬  
萊不可到誰採長生藥

少壯無淹留酖顏易顛頽美女相愛憐顧影  
生嫵媚春日麗妝臺秋風舞鸞翠繁華一回

首脈脈含幽思飛蓬不勝梳匪席耿不寐歡  
樂詎同天儵忽悲異地誰能謁混沌無渙亦  
無萃物理長固然庭草有生意

書堂聽雨

密雲低卷萬山濃鎮日長空作雨容浙瀝有  
聲宜靜聽洗開草樹碧葱蘢  
四圍山色絕囂塵小沼澄波漾綠蘋滿目青  
葱有生意一簾烟景最宜人

漸覺琴書芳潤添神膏想像喜均霑繁聲入

味餘書室全集定本

卷六 詩

六

耳遙凝睇銀竹瑤琮響畫簷

入暮蕭蕭勢倍加柳枝亞綠淡烟遮曲欄杆  
外冥濛處一片青莎帶淺沙

擬謝靈運於南山往北山經湖中瞻眺

一首

明發理歸舟一水通北嶺嚮晚棹更移試攬  
巫湖景沿岸策杖行茂林秀而整振衣萬仞  
岡長嘯衆籟屏怪石虎豹蹲天高雲漢冷俯  
察羣木殊仰觀長空翫晴川杳無際一碧連

萬頃文波漾錦鱗細浪浮菱荇獨遊溪壑間  
杖履安恬靜萬感隨所遇神化心悟永清夜  
聞疎鐘鏗然發深警

山月照彈琴

月映千山靜幽人正鼓琴清光浮玉軫虛籟  
落青岑夜寂翻高調天空照素心冷張衣露  
淨漸轉石蘿陰對此銀蟾影偏宜隱鳳音松  
濤流絕巘桂魄動疎林目送遙峯迴聲隨止  
水沈金波澄疊翠雅操寄情深

味齋書室全集定本

卷六詩

十九

隴頭行

黃雲晝掩隴頭樹斜陽散亂秦川渡戍卒思  
家多苦顏翹首欲向蒼穹訴羌童年少不知  
愁清笳一聲心悠悠天山萬仞欲摧倒渭水  
不敢從東流三箭功成頭已白邊人爭唱從  
軍樂野火燐燐照玉關黃塵滾滾連沙漠河  
源今日見崑崙山南山北安耕屯雨洗金戈  
長禾黍風披春草徧乾坤

恭和

御製消夏十詠元韻

荷

芰荷盈碧沼香遠透書窓帶雨凝清浦翻風  
憶曲江製衣情自遠歌蓋美無雙水殿新涼  
後含滋綠玉攬

蟬

芳樹鳴蟬好晴軒引興長曳殘聲度遠逐響  
靜中忙咽露當涼月臨風噪夕陽知幾歲葉  
底緘默避螳螂

味餘書室全集定本

卷六詩

十

扇

頻揮驅溽暑涼透綺羅叢舒卷半輪月提攜  
兩袖風五明聲價重六角彩毫空披拂  
彤庭上時薰處處同

蛙

柳陌籠斜照芳塘鼓吹齊聒人驚吠蛤警夢  
似鳴雞月下綠荷浦雨深青草隄一燈明野  
店漠漠水田低

螢

熠燿垂楊岸，星星點水澗。  
依微輝簡帙，明滅度龕燈。  
樹裏含光冷，庭隅入夜增。  
試參咸若理，腐化亦標能。

冰

夏薦驅煩暑，彤庭喜

賜冰一匳光，洞澈繞座氣。  
堅凝有象涼，堪挹無塵淨。  
可憑結消終，是水妙諦究何曾。

月

水鏡輝良夜，無煩秉燭遊。  
金波凝皎皎，桂影

味餘書室全集定本

卷六詩

五

散悠悠，素彩一輪聚。  
清光萬里流，中庭生爽氣。  
風景已先秋。

雨

密雨消煩暑，冥濛暗遠村。  
汀頭閒鷺集，樹杪小禽言。  
繡野禾苗潤，芳園草木繁。  
平湖烟景潤，漁火逗黃昏。

瓜

冰碗浮瓜美，欣看絳實香。  
翻匙流素雪，澣齒迸銀霜。  
緬憶東陵好，還思西域良。  
巾綈新拜

賜剖辨樂同嘗

蛩

清夜蛩聲透應知秋信歸羽從階下振音出  
草中微習習風傳漏溶溶月照幃乘時觀物  
化戶宇炳先幾

擬盧子諒覽古詩

戰國尚縱橫力征疲黔首強秦利寶玉給趙  
期必受厥價十五城謫謀空言誘從之見狙  
詐背之致號吼公庭無定謀不憤為牛後繆

味餘書室全集定本

卷六詩

五

賢薦藺生竒才孰為偶慷慨憤國孱子身入  
虎口秦王欲食言身玉誓擊培懷璧聞道馳  
爾我毋相負澠池續交歡強弱從茲剖意氣  
上凌雲彈瑟絃擊缶白虹能貫日蒼鷹擊戶  
牖志士貴心競引車意何厚廉君悔負荆辱  
人空自醜偉哉智勇兼功烈同不朽寶人勝  
寶玉斯言良足守

賦得雲歸帶雨餘

霽色開寥碧雲歸雨脚隨遠山看帶潤宿草

喜含滋尚蓄為霖意欣餘返岫時無心猶有  
勢不散却非癡觸石根原邃盈空力未疲冥  
濛縈柳線羃歷織荷絲萬樹葱龍接千峰突  
兀竒

上林清景足新漲鳳皇池

桐葉知閏

積餘應置閏六六識新桐逆數元相偶駢生  
覺不同連枝齊婀娜片葉獨葱龍巧詎煩臺  
史靈能奪化工一圭形最小三載候將充象  
劫如著草占辰比莢叢盈虛徵有象消息悟  
無終

帝德昭時紀羣芳獻歲功

赤城霞起而建標

台嶽鍾竒景連山似蒸燒乍含暘谷景獨建  
赤城標紫極通銀漢丹霞羃玉霄穿虹懸瀑  
練射日撒泉綃元鶴雲中舞天雞夜半潮霧  
迷看掩映風吼散調刁擣錦攢霜樹施鞭掣  
瑣橋千尋看拔地靈秀倩誰描

寒潭月動搖

高秋涼月白倒景入寒潭  
顧兔翻澄碧蟾蜍  
挂蔚藍碎金光不定浮玉影  
初含皎皎桂華  
馥亭亭荷蕊飜一輪  
明下上萬象共清酣  
冷浸銀河淡輝留貝闕  
涵升沈空外色圓缺  
鏡中叅動靜無纖翳  
仙源迴可探

恩賜

御製全韻詩恭紀

五言排律一百韻  
謹序

竊惟斲琴絙瑟龍池傳大昊之音五

味餘書室全集定本

卷六 詩

二四

基六英圭水奏承雲之樂于山于垤  
先日出而敷言惟時惟幾首星陳而  
發詠五三以降義始紛如然而觀其  
會通風雅頌非一朝之製省其文采  
功德言豈三立之歸比事屬辭審音  
知政不有

聖作誰集大成欽惟我

皇父心契苞符聲通元極溯四千年之升降

寒堯帝以來合百六部之宮商東方自

出當

萬幾之餘暇閱三月而成編至矣大哉古未有也粵若白山神鵲則生民元鳥之徵遼瀋擷衣則沮漆瑤舟之美臨衝執馘烏覩薩爾許之

神功采阻質成豈若三田渡之銘德至於一麾定鼎鑠燹伐而無慙三葉平藩震昆吾而有截洪惟

祖烈度越前聞況我

味餘書室全集定本

卷六詩

五

皇父欽若執中堯舜之精一也克艱敬止禹文之勤恭也若夫闢伊犁平回部蕩金川揚我

聖神之大烈而漢唐之式廓微矣校全史脩三通開四庫宣我

彛訓之文思而宋明之編摩陋矣蠲賦振荒治河柔遠則繩

武而有光也披函引對察吏勤民則紹庭而無逸也以為法不如鑒恐千里之謬豪

有差禮不忘初故一篇之中三致意  
而且四言本韻若金玉之貫始終首  
字中懸若日月之離經緯豈獨協調  
鍾呂在治忽於五聲實惟暢發乾坤  
參知能於兩大矣子臣學詩猶未自  
愧面牆就

日非遙彌慙捫燭欣與瑤奎之

賜莫名鑽仰之榮敬頌五言勉成百韻

謨烈高千古

味餘書室全集定本

卷六 詩

五

欽明被八方

君師隆德業苞絡匯文章事以編年貫詩成

全韻彰承

恩披宛委捧帙粲琳瑯體溫乾坤撰輪摩日

月光

祖功先作述

上下平韻述

祖功宗德

帝鑒綜周

詳

上去入韻 歷代法戒

宇宙神開創雲初慶遠長白

山鍾王氣朱果發仙祥誕

聖來

天妹生民緬后姜

首敘長白山發祥朱果故

七傳疑

寶命一氣貫銀潢丕構收諸部羣雄翼

烈皇

太祖肇基帝業

宅都森拱衛闢域漸

恢張酒憾先聲壯殲仇本實強

都與京以

七大恨

天征明

告十三排練甲卅萬掃金鉞

初起兵有甲十三副薩爾

勝莫經綸密奇兵

鉦鼓鏜擷衣昭節儉

擷衣行獵 太祖制字審權

量始製國書指顧中原計艱難土物減澗瀍方卜

味餘書室全集定本

卷六詩

三五

世遼潘已當陽

潘遼遷都瀋陽

太祖取明齡錫

天聰起元開玉璽相

聰十年得玉璽 太祖初建元崇

德

朝鮮磨大碣

朝鮮立碑紀念

松杏洗漂益破明兵

於松

冠服

訓無易

冠服騎射舊制

職官建有常

太

官制膺圖惟

世祖授鉞

命親王一旅璿璣廓四征蛟鱷僵

順治元年

攝政王討平明寇定鼎燕京

果效望之軍

神京標斗極正統鞏金湯

聖繼生而聖昌符壽且昌

紹統享國六十一  
聖祖早齡

年撤藩除蔓草討叛振宏綱

三藩  
定額免徭

賜賦糧

普免錢糧  
三駕親征噶爾丹

六御奠河防

江南閱河工  
六幸  
剿逆平西藏  
康熙五十

覲北疆

收撫喀爾喀  
卷六詩

武功誠赫濯

聖祖  
纂刻羣書

文教益明敷典學圖書集

雍正二年議耗羨  
歸公定各官養廉

傳心陟降慶耗均下錯賦

雍正二年議耗羨  
歸公定各官養廉

翰灑上書囊

批諭旨

家法勤兼敬

乾行就且將紹聞銘劔几稽古見羹牆用識  
前言大誰窺  
睿學洋卅篇真典則三韻重鏗鏘演易雖稱  
皞刪書斷自唐執中師允克紀遠略鴻荒擊

味餘書室全集定本

壤歌童叟唐堯成韶舞鳳皇虞舜幹崇行水性傳

子迪民康禹傳子為利民西亳僖霓降南巢

憫日亡殷湯五遷庚率籲殷盤三哲甲非庭

御製以無逸中宗高宗祖甲為迪哲豐鎬蟠

根舊邠岐沛澤滂周文王政和資保傅刑措

解銀鐙周成王雲漢呼其雨周宣王黍離兆履

霜周平王但聞移寶鼎那復念甘棠并蜀祖龍

吼吞周白帝猖書燔封建絕法峻兆黔殃不

解投池壁空求渡海航秦始皇孤雛迷馬鹿真

味餘書室全集定本 卷六 詩 五九

氣逼芒碭四百基金卯三章救火瘍漢高帝息

民文景美漢文帝拓徽武宣將漢武帝芴落

由孱弱漢成帝中興奮至剛漢光武雍容陳子樂

漢明帝安靜察賢良漢章帝六出非偏統三分各

占場三國平吳志自滿篡魏報須償晉武帝牛易

一槽馬龍分九牧羊晉元帝寄奴老攫綱宋高祖

拓跋入騰驤北魏佞佛同歸滅梁陳爭雄互竊攘

北齊伐陳瞻混一廢勇悔周悼隋文帝易暴憐

成吉唐高祖施仁任杜房唐太宗武韋清蒼蔚隴

蜀走踉蹌鈿碎秋河耿鈴淋夜雨缺唐宗元史

安仍蕩滌李郭救劄勦后悍孝慈失唐宗肅臣

驕宜鎮煬唐宗代用盧資悻悻唐德宗平蔡亦僨

橫唐宗五季何興競羣黎忍沸蟾五代欺孤袍

被體傳弟燭搖芒宋太祖冊府羅豪雋宋太祖天

書太渺茫宋真宗仁英良政夥宋仁宗神哲黨

人倡宋神宗北狩青衣黯宋徽宗南遷泥馬忙

宋高宗枕戈終淡漠宋孝宗借力益徬徨宋理宗耶

律分疆場遼太祖完顏廓邑隍金太祖圖新文治

味餘書室金集定本 卷六 詩 三十一

肇金太祖守舊武威趙金世宗大定規模失金源

政教稅金章宗用儒統有截元世宗崇儉國無虧

元仁宗草昧興桓撥明太祖瓜抄肆斧斨明成祖瑕

瑜叅十載明宣宗土木憶三楊明英宗豐昵從奸

佞明世宗尸居任妾璫明神宗童嬉恣閹媪明熹宗

宇化竟滄桑明莊烈帝翦蘂綏南國招魂葬北邱

閏餘存昱曷風雨護蒿鄉運啟重離盛

仁覃湛露灑

五朝勲業備百代事功穰好善懷虛谷懲傾

戒剝林折衷含七始濡頴括三倉上下四千  
歲標題百六行發源星宿導貫弗錦雲襄莫  
仰談穹妙難斟學海汪四言包首尾本韻叶  
宮商觸目生松棟沈吟笑柏梁抒周情孔思  
疇入室升堂刻玉圖呈綠流金感閱黃剛柔  
叅兩大闔握中央  
心契一元始詞摛六藝芳頌兼風雅正音悵  
性情當拱璧期珍守尼珠示弗忘沫肱恭誦  
讀什襲永尊藏蠹管難窺測謳謠喜拜颺

味餘書室全集定本

卷六 詩

三

天文聚奎壁萬禩鎮縑緗

### 大田多稼

盛世調元化良田及歲和南塍新綠徧東野  
秀苗羅剡剡烟光合芄芄翠色摩幽風初納  
稼夏日正鋤禾錯繡紛無際如雲願不訛雨  
酣浮碧漲風遠散晴波粒食忘  
堯力薰絃入

舜歌西成欣有象倉廩慶饒多

賦得遊思竹素園

竹帛資遊衍名園夙所欣汗青披藝府葆素  
養天君自覺觀摩妙都忘臭味分清音非瑣  
碎淨質絕塵氛探簡琳琅錯摛華錦繡雲鳳  
林懷夏玉緗帙好編芸四庫開珍笈三倉煥  
賁文

睿思紉繹處稽古仰時勤

乘槎探河源

尋源聞漢客泛海得浮槎風送颿千曲星明  
水一涯但看宮闕近不覺路程賒錦帶仙郎  
浦璇璣帝女家扣舷分析木搖影入匏瓜隨  
鵲垂流返逢人袖石誇雞鳴新井里鶴夢舊  
烟霞回首天階迴還疑貫月斜

擬東坡廬山二勝

開先漱玉亭

絕壁遏飛鳥天半翻長風懸雷幾千丈劈巖  
迸神龍鱗甲挾飛濤雷雨轟碧空驪珠錯落  
垂萬斛噴鏜雷礮連上下蕩激迷西東仙  
人展鮫綃高挂蕊珠宮幽竒境殊絕長揖黃

石公靈蹤不可到夢游晶闕中

栖賢三峽橋

巨石補天闕明河斷飛溜石破落磯中龍驚  
共搏鬥伏脈操蛇遭積潦碣石右盪滌瀉雲  
表砰礚撼巖竇懸珠濺龜鼉接臂叫猿狖縈  
迴出壑慳馱躡跟瘦千林撒飛雪八音迭  
相奏萬派匯神湫激注弦滿鼓雷雨護潛淵  
烟霧迷昏晝天孫戲虹梁凌虛試盪激

道翁見蛻娘轉丸戲成一絕

味餘書室全集定本

卷六 詩

三

轉得圓珠達九泉丹成羽化大羅仙車塵馬  
足渠應避糞壤生涯要自憐

七月十四日

慶貴妃母妃忌日也適逢承

命祭

陵之期恭賦長律一章以志哀慕

鞠育恩深十五年悲逢忌日意悽然含辛惻  
惻千秋永灑淚茫茫萬里天每憶提攜

蘭殿裏空餘展拜

桂幃邊仰瞻雲表攀難及銜恤終身孺慕牽

味餘書室全集定本

卷六詩

三

味餘書室全集定本卷六  
臣黃鉞恭校

